





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



9910716 <v>

國家圖書館, NATIONAL CENTRAL LIBRARY, TAIWAN, R.O.C.



水經注箋卷第一十三

漢 梁 欽撰

後魏 酈道元 注

明 李長庚訂

孫汝澄

朱謀埠箋

李克家全校

陰溝水 汲水


陰溝水出河南陽武縣浪蕩渠

陰溝首受於大河卷縣故瀆東南逕卷縣故城南


又東逕蒙城北史記秦莊襄王元年蒙驁擊取成

皐滎陽初置三川郡疑卽駑所築也於

詳故瀆東分爲二川謂之陰溝水京山璠以爲出



國家圖書館, NATIONAL CENTRAL LIBRARY, TAIWAN, R.O.C.



河之濟又非所究俱東絕濟隊右澗小西逕陽池

城北東南絕長城逕安亭北又東北會左瀆左瀆

又東絕長城逕垣雍城南昔晉文公戰勝于楚周

襄王勞之于此故春秋書甲午至於衡雒作王宮

於踐土呂氏春秋曰尊天子於衡雒者也郡國志

曰卷縣有垣雒城卽史記所記韓獻秦桓當作垣雍

是也又東逕開光亭南又東逕清陽亭南又東合

右瀆又東南逕封丘縣絕濟瀆東南至大梁合浪

蕩渠梁溝既開浪蕩渠故瀆實兼陰溝浚儀之稱

故云出武陽逕大梁城北左屈溝與梁合俱東南

流同受鴻溝宋本作同受鴻溝沙水之目其川流之會

左瀆東導者卽汲水也蓋津源之變名矣故經云

陰溝出浪蕩者一作渠也

東南至沛爲過水

陰溝始亂浪蕩終別於沙而過水出焉過水受沙

謝云一作受沙水於扶溝縣爾雅曰過爲洵郭景純曰大


水溢出別爲小水也呂忱曰洵過水也過水逕大

扶城西城之東北悉諸袁舊基當作墓碑字傾低羊

虎碎折唯司徒滂蜀郡太守騰博平令光碑字所

存唯心自餘殆不可尋過水又東南陽夏縣西

徐釋字




又東迤邐城北城實中而西有礫郭過水又東迤
大棘城南故鄆之大棘鄉也春秋宣公二年宋華
元與鄭公子歸生戰于大棘獲華元左傳曰華元
殺羊食士其御羊斟不與及戰曰疇昔之羊子為
政今日之事我為政遂御入鄭故見獲焉後其地
為楚所并故圈稱曰大棘也地有楚太子建之墳
及伍員釣臺池沼具存過水又東迤安平縣故城
北陳留風俗傳曰大棘鄉故安平縣也士人敦養
易以統御過水又東迤鹿邑城北世謂之虎鄉城
葬也春秋之鳴鹿矣杜預曰陳國武平西南有鹿

邑亭是也城南十里有晉中散大夫胡均碑元康
八年立過水之北有漢温令許續碑續字嗣公陳
國人也舉賢良拜議郎遷温令延熹中立過水又
東迤武平縣故城城之西南七里許有漢尚書虞
詡碑碑題云虞君之碑諱詡字定安康一作仲後
為朝歌令武都大守文字多缺不復可尋按范曄
漢書詡字升卿陳國武平人祖為縣獄吏治存寬
恕嘗曰于公為里門子為丞相吾雖不及于公子
孫亦必來為九卿宋本作亦不故字詡曰升卿定
安蓋其幼字也魏武王初封於此終以武平華夏

今字從
孫釋
從後漢
書注改
二字

孫卿是
祖所取
字耶



矣

魏志建安元年九月車駕自洛陽出轅轅而東以太祖為大將軍封武平侯自天子西遷朝廷

日亂至是宗廟社稷制度始立過水又東逕廣鄉城北圈稱曰襄

邑有蛇丘亭故鄉矣改曰廣世後漢順帝陽嘉四

年封侍中摯填為侯國即廣鄉也過水又東逕苦

縣西南分為二水枝流注于東北賴城入谷謂死

過也過水又南東屈逕苦縣故城南郡國志曰春

秋之相也王莽更名之曰賴陵矣城之四門列築

馳道東起賴鄉南自南門越水直指故臺西面南

門列道徑趣廣鄉道西門馳道西屈武平北門馳

道暨于北臺過水又東而北屈至賴當作賴鄉谷水

注之谷水首受渙水于襄邑縣東東逕承匡城東

春秋經書夏叔彭生會晉郤缺于承匡左傳曰謀

諸侯之從楚也京相璠曰今陳留襄邑西三十里

有故承匡城谷水又東南逕已吾縣故城西陳留

風俗傳曰縣故宋也雜以陳楚之地故梁國寧陵

縣之徙徙龍鄉也以成哀之世戶至八九千冠帶


之徒舊本作徒求置縣矣求元十一年陳王削地後漢書陳

王鈞坐殺人事削西華項新陽三縣以大棘鄉直陽鄉自隱隸之命

以嘉名曰已吾猶有陳楚之俗焉谷水又東逕拓

縣故城東地理志淮陽之屬縣也城內有拓命許

赤



君清德頌石碎字紊唯此文見碑城西南里許有

漢陽種令許叔臺碑光和中立又有漢故樂成陵

令太尉掾許嬰碑嬰字虞卿司隸校尉之子建寧

元年一作元立餘碑文字碎滅不復可觀當似司隸

諸碑也谷水又東逕苦縣故城中水泛則四周隍

壑耗則孤津獨逝谷水又東逕賴鄉城南其城實

中東北隅有臺偏高俗以是臺在谷水北其城又

謂之谷陽臺非也谷水自此東入過水過水又北

逕老子廟東廟前有二碑在南門外漢桓帝道宮

案本作桓管霸祠老子命陳相邊韶撰碑北有雙

石闕甚整頓石闕南側魏文帝黃初三年逕譙

經所勒闕北東側有孔子廟廟前有一碑西面是

陳相魯國孔疇建和三年立北則老君廟廟東院

中有九井焉又北過水之側又有李老母廟克家

本作李老母前廟疑廟在老子廟北廟前有李母

冢冢東有碑是永興元年譙令長沙王阜所立碑


云老子生於曲過間許慎又云過水首受淮陽扶

溝縣浪蕩渠不得至沛方為過水也過水又屈東

逕相縣故城南其城卑小實中邊韶老子碑又云

老子楚相縣人也相縣虛荒今屬苦故城猶存在

徐釋無
字止於
五年



賴游鄉之東過水處其陽然卽此城也自是無郭以應之過水又東逕譙縣故城北春秋左傳僖公

二十三年楚成得臣帥師伐陳遂取譙城頓而還

是也孫云按左傳僖公二十三年秋楚成得臣帥師伐陳遂取焦夷城頓而還注焦譙城夷城

也王莽之延成亭也魏立譙郡沈州治沙水自南

枝分北逕譙城西而北注過過水四周城側城南

有曹嵩冢續漢書云曹嵩字巨高爲中常侍曹騰養子官司隸校尉歷大司農大鴻臚太

尉黃初元年追尊曰太皇帝冢北有碑碑北有廟堂餘墓尚存

柱礎仍在廟北有二石闕雙峙高一丈六尺棖櫨

及柱皆雕鏤雲炬當作雲烟上孳魚已碎闕北有圭碑

題云漢故中常侍長樂太僕特進費亭侯曹君之

碑延熹三年立碑陰又刊石策二碑文同夾碑東

西列對兩石馬高八尺五寸石作粗拙不匹光武

隧道所表象馬也有兄騰冢舊本作騰兄冢按司馬彪續漢書曹節四

子長伯興次仲興次叔興騰字季興所謂騰兄則伯仲與叔也騰更無弟吳本作兄騰似誤騰少


除黃門從官自小黃門遷至中常侍大長秋在省闈三十餘年亦未嘗爲潁川太守也冢東

有碑題云漢故潁川太守曹君墓延熹九年卒而

不刊樹碑歲月墳北有其元子熾冢冢東有碑題

云漢故長水校尉曹君之碑歷太中大夫司馬長


史引侍中遷長水年三十九卒熹平六年造熾弟




亦有年姓錄
釋作年

侍都督楊州江州諸軍事安東大將軍譙定王河
內温當云河內温司馬公墓晉公司馬墓之神道
弟魏中郎將進之子也封涇陽男武帝受禪過水
封譙王泰始二年薨子隨立隨薨諡定王
又東逕朱龜墓北東南流冢南枕道有碑碑
題云漢故幽州刺史朱君之碑龜字伯靈當作光
和六年卒官故吏別駕從事史右北平無終年化
中平二年造郡國志右北平有無終縣年化碑陰
刊故吏姓名悉薊涿及上谷北平等入過水東南
逕層丘北丘阜獨秀巍然介立故壁壘所在也過
水又東南逕城父縣故城沙水枝分注之水上承

胤冢冢東有碑題云漢謁者曹君之碑熹平六年
立城東有曹太祖舊宅所在負郭對廛側隍臨水
魏書曰太祖作議郎告疾歸鄉里築室城外習讀
書傳秋冬射獵以自娛樂文帝以漢中平四年生
於此上有青雲如車蓋終日乃解即是處也後文
帝以延康元年幸譙大饗父老立壇於故宅壇前
樹碑碑題云大饗之碑碑之東北過水南有譙定
王司馬士會冢冢前有碑晉永嘉三年立碑南二
百許步有兩石柱高丈餘半下為束竹交文作制
乃士作制乃士字誤石牘云晉故使持節散騎常





沙於思善縣世謂之漳水故有漳頭之名也東

北流逕城父故城西側城東北流入於過過水又

東逕下父城北作克家云當郡國志曰山桑縣有下

城脫字父聚者也過水又屈逕其聚東郎山西又東

南屈逕郎山南山東有垂惠聚世謂之禮成當作

袁崧郡國志曰山桑縣有垂惠聚即此城也過水

又東南逕過陽城北臨側當作過水魏太和中為

州治以蓋表為刺史後罷州立郡舊本作罷州立

郡郡衿帶過戍過水又東南逕龍亢縣故城南漢建

武十三年世祖封傅昌為侯國故語曰沛國龍亢

至山桑者也過水又屈而南流出石梁梁石崩禿

夾岍積石高二丈水歷其間又東南流逕荆山而

東流注也

又東南至下邳淮陵縣入于淮

過水又東左合北肥水肥水出山桑縣西北澤藪

東南流左右翼佩數源異出同歸蓋微脉涓注耳

東南流逕山桑邑南俗謂之北平城昔文欽之封

山桑侯疑食邑於此城東南有一碑碑文悉破無

驗唯碑背故吏姓名尚存熹平元年義北門生沛

國蕭疑有縣字劉定興立北肥水又東逕山桑縣

明

故城南俗謂之都亭城非也。今城內東側猶有山亭祭立陵阜高峻非洪臺所擬。十三州志所謂山生於邑其庭有桑因以氏縣者也。郭城東有文穆冢碑三世二千石。穆郡戶曹史徵試博士太常丞以明氣候擢拜侍中。右中郎將遷九江彭城陳留四郡。光和中卒。故吏涿郡太守彭城呂虔等立北肥水。又東積而為陂。謂之瑕陂。陂水又東南逕瑕城南。春秋左傳成公十六年楚師還及瑕。卽此城也。故京相璠曰瑕楚地北肥水又東南逕向縣故城南。地理志曰故向國也。世本曰許州向申。謝云中字

誤當作申 姜姓也。炎帝後京相璠曰向沛國縣今

并屬譙國。龍亢也。杜預曰龍亢縣東有向城。漢世祖建武十三年更封富波侯王霸為侯國。卽此城也。俗謂之圓城。非又東南逕義城南。世謂之楮城。非又東入于過。過水又東注淮。經言下邳淮陵入淮。誤矣。


汲水出陰溝于浚儀縣北

陰溝卽浪蕩渠也。亦言汲受旃然水。又云丹泌亂

流於武德絕河南入滎陽合汲。故汲兼丹水之稱。

河沛水斷。宋本作水斷汲承旃然而東。自王實灌大梁

當作沛



王實當作王賁史記秦始皇二十一年王賁攻魏引河溝灌大梁大梁城壞其王請降

水出縣南而不逕其北夏水洪泛則是瀆津通故渠即

陰溝也於大梁北又曰浚水矣故園稱著陳留風

俗傳曰浚水逕其北者也又東浚水出焉故經云

浚出陰溝於浚儀縣北也浚水東逕倉垣城南即

大梁縣之倉垣亭也城臨浚水陳留相畢邈治此

征東將軍荀晞之西也邈走歸京晞使司馬東萊

王讚代據倉垣斷留運漕

晉書荀晞字道將為征東大將軍威名甚盛時人擬之稱白進大將軍加黃鉞晞以京邑荒饑寇難交至未請遷都遣船迎帝俄而京師陷晞與王讚屯倉垣浚水又東逕陳留縣之鉞鄉亭北陳留風俗

傳所謂縣有鉞鄉亭即斯亭也浚水又逕小黃縣

故城南神仙傳稱靈壽光扶風人死於江陵胡罔

家罔殞埋之後百餘日人有見光於此縣寄書於

罔罔發視之唯有履存浚水又東逕鳴鴈亭南春

秋左傳成公十六年衛侯伐鄭至於鳴鴈者也杜


預釋地云在雍丘縣西北今俗人尚謂之為白鴈

亭浚水又東逕雍丘縣故城北逕陽樂城南西征

記曰城在浚北一里周五里雍丘縣界浚水又東


有故渠出焉南通睢水謂之董生決或言董氏作

亂引水南通睢水故斯水受名焉今無水浚水又



東枝津出焉俗名之為落架口西征記曰落架水
 名也續述征記曰在董生決下二里汲水又逕外
 黃縣南又東逕莠倉城北續述征記曰莠倉城去
 大游墓二十里又東逕大齊城南陳留風俗傳曰
 外黃縣有大齊亭又東逕科城北陳留風俗傳曰
 縣有科稟亭是則料稟亭也汲水又東逕小齊城
 南汲水又南逕利望亭南風俗傳曰故曰謝云曰
字疑衍
 成安也地理志曰陳留舊名漢武帝以封韓延年
 為侯國汲水又東龍門故瀆出焉瀆舊通睢水故
 西征記曰龍門水名也門北有土臺高三丈餘上

方數十步汲水又東逕濟陽考城縣故城南為舊
 獲渠考城縣周之采邑也於春秋為戴國矣左傳
 隱公十年秋宋衛蔡伐戴是也漢高帝十一年秋
 封彭祖為侯國陳留風俗傳曰秦之穀縣也後遭
 漢兵起邑多災年故改曰留縣王莽更名嘉穀漢
 章帝東巡過縣詔曰陳留縣其名不善高祖鄴柏
 人之邑世宗休聞喜而顯獲嘉應亨吉元符嘉皇
 靈之觀宋本賜越有先一作列考武王其改留縣
 曰考城是瀆蓋因縣以獲名矣汲水又東逕寧陵
 縣之沙陽亭北故沙隨國矣春秋左傳成公十六



春秋會于沙隨謀伐鄭也杜預釋地曰在梁國寧

陵縣北沙陽亭是也世以為堂城非也汲水又東

逕黃蒿塢北續述征記曰堂城至黃蒿二十里汲

水又東逕斜城下續述征記曰黃蒿到斜城五里

陳留風俗傳曰考城縣有斜亭汲水東逕周塢側

續述征記曰斜城東三里晉義熙中劉公遣東超

之舊本作周超之故有周塢之名吳本作東超之誤矣自彭城緣汲宋本作汲故

溝斬樹穿道七百餘里以開水路停薄於此故茲

塢流稱矣汲水又東逕葛城北故葛伯之國也孟

子曰葛伯不祀湯問曰何為不祀稱無以供祠祭

遺葛伯葛伯又不祀湯又問之曰無以供犧牲湯

又遺之又不祀湯又問之曰無以供粢盛湯使亳

衆往為之耕老弱饋食葛伯又率民奪之不授者

則殺之湯乃伐葛葛於六國屬魏魏襄王以封公

子無咎號信陵君史記云魏公子無忌者魏昭王少子而魏安釐王異母弟也昭


王薨安釐王即位封公子為信陵君此云魏襄王封公子無咎號信陵君恐傳寫之譌又按魏世家

襄王立十六年卒子哀王在位二十三年卒昭王嗣位十九年卒而後安釐立距襄王之卒已四十

二年其地葛鄉即是城也在寧陵縣西一作十里

郡國志云梁國寧陵縣故屬陳留有葛鄉故葛伯國也汲水又東逕神坑塢

又東逕夏侯長塢續述征記曰夏侯塢至周塢各




相距五里。汲水又東逕梁國睢陽縣故城北，而東歷襄鄉塢。南續述征記曰：西去夏侯塢二十里，東一里，即襄鄉浮圖也。汲水逕其南。漢熹平君所立。按熹平是漢靈帝年號，此當云熹平某年某君所立。今日熹平君知有脫落也。宋本亦然。其墜天久矣。死因葬之，弟刻石樹碑，以進厥德。宋本作旌厥德。隧前有師子天鹿，搏宋本作搏作百樹柱八所，荒蕪頽毀，凋落略盡矣。

又東至梁郡蒙縣，為濰水餘波，南入淮陽城中。

汲水又東逕貫城南，俗謂之薄城，非也。闕駟十三州志以為貫城也。在蒙縣西北。春秋僖公二年，齊

侯宋公江黃盟于貫，杜預以為貫也。云貫貫字相似，貫在齊謂貫澤也。是以非此也。今於此地更無他城在蒙西北，唯是邑耳。考文準地，貫邑明矣。非毫可知。汲水又東逕違縣故城北，俗謂之小蒙城也。西征記城在汲水南十五六里，即莊周之本邑也。為蒙之漆園吏。郭景純所謂漆園有傲吏者也。悼惠施之沒，杜門於此邑矣。史記莊子名周，蒙人也。嘗為蒙漆園吏。莊子云：莊子送葬過惠子之墓，謂從者曰：自夫汲水

子之死也，吾無以為質矣。吾無與言之矣。汲水自縣南出，今無復有水。唯睢陽城南側有小水，南流入于睢城南二里，有漢太傅掾橋載墓碑，載字



元賓梁國睢陽人也睢陽公子熹平五年立城東

百步有石室刊石宋云作刊六漢鴻臚橋仁祠宋本城

北五里有石虎石柱而無碑誌不知建也宋本云不知何

時建汲水又東逕大蒙城北自古不聞有二蒙疑

卽蒙亳也所謂景薄爲此宋本作北亳矣椒舉云商湯

有景亳之命者也闕駟曰湯都也亳本帝嚳之墟

在禹貢豫州河洛之間今河南偃師城西二十里

尸鄉亭是也皇甫謐以爲考之事實學者失之如

孟子之言湯居亳與葛爲隣是卽亳與葛比也湯

地七十里葛又伯耳封域有限而寧陂去偃師八

百里寧陂據郡國志當作寧陵乃葛伯國也不得童子饋餉而爲之

耕今梁園疑作國自有二亳南亳在穀熟北亳在蒙

非偃師也古文仲虺之誥曰葛伯仇餉征自葛始

卽孟子之言是也崔駰曰湯冢在濟陰薄縣北皇

覽曰薄城北郭東三里平地有湯冢冢四方方各


十步高七尺上平也漢哀帝建平元年大司空史

郤長卿按行水災因行湯冢在漢屬扶風今徵之

迴渠亭有湯地宋本作湯池徵陌是也然不經見難得

而詳按秦寧公本紀云二年伐湯三年與亳戰亳


王奔戎遂滅湯然則周穆疑桓王時自有亳王號




湯為秦所滅乃西戎之國葬于微者也非殷湯矣
 劉向言殷湯無葬處為疑杜預曰梁國蒙縣北有
 薄伐城城中有成湯冢其西有箕子冢今城內有
 故冢方墳疑即杜元凱之所謂湯冢者也而先謂
 之孫云當作世謂之王子喬冢冢側有碑題云仙人王子
 喬碑曰王子喬者蓋上世之真人聞其仙不知興
 何代也博聞道家或言潁川或言產蒙初建此城
 則有斯丘傳承先民曰王氏墓暨于永和之元年
 冬十二月當臘之時夜上有哭聲其音甚哀附居
 者王伯怪之明則祭當作而察焉時天鴻雪下無

人徑有大鳥跡在祭祀處左右咸以為神其後有
 人著大冠絳單衣杖竹立冢前呼採薪孺子伊永
 昌曰我王子喬也勿得取吾墳上樹也忽然不見
 時令太山萬喜當作稽故老之言感精瑞之應乃
 造靈廟以休厥神於是好道之儔自遠方集或絃
 琴以歌太一或譚思以歷丹思當作知至德之脫
 者奉犧牲致禮祠濯之敬一作致祀肅如也國相
 東萊王璋字伯義以為神聖所興必有銘表乃與
 長史邊乾遂樹之玄石紀頌遺烈觀其碑文意似

祗懼





非遠既有經見不能不書存焉蔡中郎集載有此碑今據之改正
獲水出汲水於梁郡蒙縣北

漢書地理志曰獲水也十三州志曰首受留獲渠

亦兼丹水之稱也竹書紀年曰宋殺其大夫皇緩

今紀年宋本作皇緩于丹水之上又曰宋大夫丹水壅不流

蓋汲水之變名也獲水自蒙東山水南有漢故繹

幕令匡碑漢郡國志河國有繹幕縣匡字公輔魯府君之少

子也碑字碎落不可尋識竟不知所立歲月也獲

水又東逕長樂固北已氏縣南東南流逕于蒙澤

十三州志曰蒙澤在縣東春秋莊公十二年宋萬

與公爭博殺閔公於斯澤矣汲水又東逕虞縣故

城北古虞國也昔夏少康逃奔有虞為之庖正虞

思於是妻之以二姚者也王莽之陳定亭也城東

有漢司徒盛允墓公字伯世梁國虞人也其先與

氏至漢中葉避孝元皇帝諱改姓曰盛世濟其美

以迄于公察孝廉除郎累遷司空司徒延熹中立

墓中有石廟廟宇傾頽基構可尋獲水又東南逕

空桐澤北澤在虞城東南春秋哀公二十六年冬

公遊于空澤辛巳卒于連中大尹左師與空澤之

士壬年奉公自空桐入如沃宮者矣壬午當作千甲左傳宋景

宋下脫一字

王氏姓氏志就篇有盛允疑即此人更以復漢書考之

王有脫文


公遊于空澤辛巳卒于連中大尹與空澤之士千
 甲奉公自空桐入如沃宮杜預注云千甲謂甲士
 千人也今吳本改獲水又逕龍譙國又東合黃水
 為壬午不知何據口上承黃陂下注獲水獲水又東入櫟林世謂之
 九里柞柞宋本作柞陸機詩疏云秦人謂木蓊為櫟獲水又東
 南逕下邑縣故城北楚考烈王滅魯頃公亡遷下
 邑又楚漢彭城之戰呂后弟周軍於下邑高祖敗
 還從周軍子房肇捐地之策收垓下之師史記項
 羽本紀
云項王東至彭城大破漢軍漢王遁去是時呂后
 兄周呂侯為漢將兵居下邑漢王問往從之稍稍
 收其士卒至滎陽又韓信傳曰漢王之困固陵用
 張良計召齊王信遂將兵會垓下此注中子房謂
 良也宋本陸機所謂卽脫一下邑者也王莽更名
 作于房誤

下洽矣

舊本作下洽

獲水又東逕碭山縣故城北應劭

曰縣有碭山山在東出文石秦立碭郡蓋取山之
 名也王莽之節碭縣也山有梁孝王墓其冢斬山
 作郭穿石為藏行一里到藏中有數尺水水有大
 鯉魚黎萌謂藏有神不敢犯之凡到藏皆潔齋而
 進不齋者至藏輒有獸噬其足獸難得見見者佯
 狗所未詳也山上有梁孝王祠獲水又東穀水注
 之上承陽陂陂中有香城城在四水之中承諸陂
 散流謂零水滾水清水也積而成潭謂之碭水趙
 人有琴高者以善鼓琴為康王舍人行彭涓之術



浮遊碭郡間二百餘年後入碭水中取龍子與弟
子期曰皆潔齋待於水傍設屋祠果乘赤鯉魚出
入坐祠中碭中有千萬人觀之留月餘復入水也

破當作水東注謂之穀水東逕安山北即碭北山

也山有陳勝墓秦亂首兵伐秦弗終厥謀死葬於

碭諡曰隱王也穀水又東北注于獲水獲水又東

歷藍田鄉郭又東逕梁國杼秋縣故城南王莽之

子秋也獲水又東歷洪溝東注之水南北各一溝

溝首對獲世謂之洪溝非也春秋昭公八年秋蒐

于紅杜預曰沛國蕭縣西有紅亭即地理志之虹

懸高后三年封楚元王子富為侯國

漢王子侯表云景帝元年王莽之所謂貢矣

封楚元王子富為休侯三年楚王成反免後更封富為紅侯

又東過蕭縣南

獲水北流注之蕭縣南對山世謂之蕭縣南山也

戴延之謂之同孝山云取漢陽城侯劉德所居里


名目山也劉澄之云縣南有冒山未詳孰是也山

有箕谷谷水北流注獲世謂之西流水言水上承

梧桐陂陂水西流因以為名也余嘗逕蕭邑城右

唯是水北注獲水更無別謝朓中云當疑即經所

破項本
作碭



謂睢水也城東西及南三面臨側克家云當獲水

故沛郡治縣亦同居矣城南舊有石橋處耗疑積

石為梁高二丈今荒毀殆盡亦不具誰所造也縣

本蕭叔國宋附庸楚滅之春秋宣公十二年楚伐

蕭蕭潰申公巫臣曰師人多寒王巡三軍拊而勉

之三軍之士皆同挾纊蓋恩使之然矣蕭女娉齊

為頃公之母卻克所謂蕭同叔子也獲水又東歷

龍城不知誰所創築也獲水又東逕同孝山北山

陰有楚元王冢上圓下方累石為之高十餘丈廣

百許步經十餘墳悉結石也獲水又東淨淨溝水

注之宋本但云淨溝無淨淨之文水上結宋本本梧桐陂西北流

即劉中書澄之所謂白溝水也謝云白溝當作白瀆又北入

于獲俗名之曰淨淨溝也宋本但作名之曰淨溝也

又東至彭城縣北東入于泗

獲水自淨宋本無此淨字淨溝東逕阿育王寺北或言楚


王英所造非所詳也蓋遵育王之遺法因以名焉

與安陂水合水上承安陂餘波北逕阿育王寺側

水上有梁謂之玄注橋水傍有石墓宿經開發石

作工奇殊為莊構宋本作莊構而不知誰冢疑即澄之

所謂凌冢也水北流注于獲獲水又東逕彌黎城



北劉澄之永初記所謂城之西南有彌黎城者也

獲水於彭城西南迴而北流逕彭城城西北舊有

楚大夫龔勝宅卽楚老哭勝處也漢書王莽遣請

卽拜楚國龔勝為太子師友祭酒勝不應徵不食

而時年七十九矣有老父來弔哭甚哀曰嗟乎

薰以香自燒膏以明自銷龔生竟天天年非獲水

又東轉逕城北而東注泗水北三里有石冢被開

傳言楚元王之孫劉向冢未詳是否城卽殷大夫

彭祖之國也宋本作老於春秋為宋地楚伐宋并

之以封魚石崔子季珪述初賦曰想黃公於邳圯

勒魚石於彭城卽是縣也孟康曰舊名江陵為南

楚陳為東楚彭城為西楚按史記正義曰淮南

城以東東海吳廣陵為東楚衡文潁曰彭城故東

楚也項羽都謂之西楚漢祖定天下以為楚郡封

弟交為楚王都之宣帝地節元年更為彭城郡孫

史記楚元王世家高祖六年已禽楚王韓信於陳

乃以弟交為楚王都彭城子王戊與吳王合謀反


起兵至昌邑南楚王戊自殺孝景帝欲以元王子

禮續楚是時禮為漢宗正乃拜禮為楚王奉元王


宗廟地節二年中入漢為彭城郡王莽更之曰和

樂郡也徐州治城內有漢司徒袁安魏中郎徐庶

等數碑並列植於街右咸曾為楚相也大城之內



列漣環之小城西又一城是大司馬琅邪王所修
因項羽故臺經始卽構宮觀門閣惟新厥制義熙
十二年霖雨驟澍汴水暴長城遂崩壞冠軍將軍
彭城劉公之子也登更築之悉以埽壘宏壯堅峻
樓櫓赫奕南北所無宋平北將軍徐州刺史河東
薛安都舉城歸魏魏遣當作博陵公尉苟仁城陽
公孔伯恭援之邑閣如初觀不異昔自後毀撤一
時俱盡間遺工雕鏤尚存龍雲暹勢奇爲精妙矣
城之東北角起層樓於其上號曰彭祖樓地埋
曰彭城縣故彭祖國也世本曰陸終之子其子曰
錢是爲彭祖彭祖城是也下曰彭祖冢彭祖長年
八百綿壽永世於此有冢蓋亦元極之化矣其樓
之側汴帶泗東北宋本作北爲二水之會也聳望川原
極目清野斯爲佳處矣



水經注箋卷第二十四

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

睢水 瓠子水


汶水

睢水出梁郡鄆縣

睢水出陳留縣西蒗蕩渠東北流地理志曰睢水首受陳留浚儀蒗蕩水也經言出鄆非矣又東逕高陽故亭北俗謂之陳留北城非也蘇林曰高陽者陳留北縣也按在留使鄉聚名也有漢廣野君

九月初一日燈下閱

國家圖書館, NATIONAL CENTRAL LIBRARY, TAIWAN, R.O.C.



水經注箋卷第二十四

漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

睢水 瓠子水


汶水

睢水出梁郡鄆縣

睢水出陳留縣西蒗蕩渠東北流地理志曰睢水首受陳留浚儀蒗蕩水也經言出鄆非矣又東逕高陽故亭北俗謂之陳留北城非也蘇林曰高陽者陳留北縣也按在留使鄉聚名也有漢廣野君

九月初一日燈下明

國家圖書館, NATIONAL CENTRAL LIBRARY, TAIWAN, R.O.C.



董字非此乃
董皆之義

水經注卷

卷三十四

廟碑延熹六年十二月雍丘令董生仰餘徽於千
載遵茂美於絕代命縣人萇照為文用章不朽之
德其略云輟洗分餐諮謀帝猷陳鄭有涿鹿之功
海岱無牧野之戰大康華夏綏靜黎物生民以來
功盛莫崇今故字一作無聞而軍當作碑介立矣

生
作之
長
作長

六上省脫文


陳留風俗傳曰酈氏居於高陽沛公攻陳留縣酈
食其有功封高陽侯有酈峻字文山官至公府掾
大將軍商有功食邑于涿故自陳留縣有鉞亭鉞
鄉建武二年世祖封王常為侯國也睢水又東逕
雍丘縣故城北縣舊杞國也殷湯周武以封夏后

繼禹之嗣楚滅杞秦以為縣圜稱曰縣有五陵之
名故以氏縣矣城內有夏后祠昔在二代享祀不
輟秦始皇圖築當作其表為大城而以縣焉睢水
又東水積成湖俗謂之白羊陂陂方四十里右則
姦梁波水注之其水上承陂水東北逕雍丘城北
又東分為兩瀆謂之雙溝俱入白羊陂陂之東合
洛架水口水上承汲水謂之洛架水東南流入于
睢水睢水又東逕襄邑縣故城北又東逕雍丘城
北睢水又東逕寧陵縣故城南故葛伯國也王莽
改曰康善矣歷鄆縣北二城南北相去五十里故

水經注卷


卷三十四

二



經有出鄢之文城東七里水次有單父令楊彥尚書郎楊禪字文節兄弟二碑漢光和中立也又東過睢陽縣南

睢水又東逕橫城北春秋左傳昭公二十一年樂大心豐愆華恠禦華向於橫杜預曰梁國睢陽縣南有橫亭今在睢陽縣西南世謂之光城蓋光橫聲相近習傳之非也睢水又逕新城北即宋之新城亭也春秋左傳文公十四年公會宋公陳侯衛侯鄭伯許男曹伯晉趙盾盟于新城者也睢水又東逕高鄉亭北又東逕亳城北南亳也即湯所都矣睢水又東逕睢陽縣故城南周武王封微子啓于宋以嗣殷後為宋都也昔宋元君夢江使乘輜車被繡衣而謁於元君元君感衛平之言而求之于泉陽男子余且獻神龜於此矣秦始皇二十二年以為碭郡漢高祖嘗以沛公為碭郡長天下既定五年為梁國文帝十二年封少子武為梁王太后之愛子景帝寵弟也是以警衛貂侍飾同天子藏珍積寶漢書云珠玉寶器多於京師多擬京師招延豪傑士咸歸之長卿之徒免官來遊廣睢陽城七十里大治宮觀臺苑屏榭勢並皇居其所經構也役夫流



唱必曰睢陽創傳曰當作此始也城西門即寇先
 鼓琴處也先好釣居睢水傍宋景公問道不告殺
 之後十年止此門鼓琴而去宋人家奉事之南
 門曰盧門也春秋華氏居盧門里叛杜預曰盧門
 宋城南門也司馬彪郡國志曰睢陽縣有盧門亭
 城內有高臺甚秀廣巍然介立超焉獨上謂之蠡
 臺亦曰升臺焉當昔全盛之時故與雲霞競遠矣
 續述征記曰迴道似蠡故謂之蠡臺非也余按闕
 子漢藝文志縱橫家有闕子一篇注所
 引用即其書也宋本作闕子譌耳稱宋景公
 使工人為弓九年乃成公曰何其遲也對曰臣不
 復見君矣臣之精盡於弓矣獻弓而歸三日而死

及

景公登虎圈之臺援弓東面而射之矢踰于孟霜


之山

舊本水經注及御覽所引闕子皆作西霜之
山文選鮑照詩注亦作西霜唯藝文類聚作

子孟霜


集于彭梁之東餘勢逸勁猶飲羽于石梁然

則蠡臺即是虎圈臺也蓋宋世宰虎所在矣晉太
 和中大司馬桓溫入河命豫州刺史袁真開石門
 鮮卑堅戍此臺真頓甲堅城之下不果而還蠡臺
 而西又有一臺俗謂之女郎臺臺之西北城中有
 涼馬臺臺東有曲池池北列兩釣臺水周六七百
 步蠡臺直東又有一臺世謂之雀臺也城內東西



道北有晉梁王妃王氏陵表並列二碑碑云妃諱
 祭字女儀東萊曲城人也齊北海府君之孫司空
 東武景侯之季女咸熙元年嬪于司馬氏泰始二
 年妃于國太康五年薨營陵于新蒙之古冢云此
下疑有脫
 太康九年立碑東即梁王之吹宮也基階礎
 尚在今建追明寺故宮東即安梁之舊地也廣周
 五六百步舊本作齊周吳
本改作廣周水列釣臺池東又有一
 臺世謂之清冷臺北城憑隅又結一池臺晉灼曰
 或說平臺在城中東北角亦或言兔園在平臺側
 如淳曰平臺離宮所在今城東二十里有臺寬廣
 而不甚極高俗謂之平臺余按漢書梁孝王傳稱

王以功親為大國築東苑方三百里廣睢陽城七
 十里大治宮室為複道自宮連屬於平臺三十餘
 里複道自宮東出楊州之門左陽門即睢陽東門
 也連屬於平臺側近矣御覽引此
作則近矣屬之城隅則不
 能是知平臺不在城中也梁王與鄒枚司馬相如
 之徒極遊於其上故齊隨郡王山居序所謂西園
 多土平臺盛賓鄒馬之客咸在伐木之歌屢陳是
 用追芳昔娛神遊千古故亦一時之盛事謝氏賦
 雪亦曰梁王不悅遊於兔園今也歌堂淪宇律管



埋音孤墓

宋本作孤墓

塊立無復曩日之望矣。城北五

六里便得漢大尉橋玄墓

舊本作橋玄

冢東有廟即曹

氏孟德親酌處操本微素嘗候於玄玄曰天下將

亂能安之者其在君乎操感知已矣當作經玄墓

祭云操以頑質見納君子士死知已懷此無忘又

承約言徂沒之後路有經由不以斗酒隻雞過相

沃酹車過三步腹痛勿怨雖臨時戲言非至親篤

好胡肯為此辭哉悽愴致祭以申宿懷冢列數碑

一是漢朝羣儒英才哲士感橋氏德行之美乃共

刊石立碑以示後世一碑是故吏司徒博陵崔烈

廷尉河南吳整等以為至德在已揚之由人苟不

驕述夫何吝焉蔡中郎集載此碑作乃共勒嘉石

昭明芳烈一碑是隴西枹罕北次陌碭守長隲為

左尉漢陽源道趙馮孝高以橋公嘗牧涼州感三

綱之義慕將順之節以為公之勳美宜宣舊邦乃

樹碑頌以昭令德光和元年主記椽李友字仲遼


作碑文宋本作李友字仲僚碑陰有右疑作鼎文建寧三年

拜司空又有中鼎文建寧四年拜司徒又有左鼎

文光和元年拜太尉鼎銘文曰故臣門人相與述


公之行咨度體則文德銘于三鼎武功勒于征鉞


嚴隸釋作稱



書于碑陰以昭光懿又有鉞文稱是用鏤石假象
 作茲征鉞軍鼓陳之于東階亦以昭公之文武之
 勳焉廟南列二柱柱東有二石羊羊北有二石虎
 廟前東北有石駝駝西北有二石馬皆高大亦不
 甚雕飾惟廟額構粗傳遺墉石鼓仍存鉞今不知
 所在睢水於城之陽積而為逢洪陂御覽引水經注作積而為
 陂之西南有陂又東合明水水上承城南大
 池池周千步南流會睢謂之明水絕睢注渙睢水
 又東南流歷千竹園水次綠竹蔭渚菁菁實孳世
 人言梁王竹園也睢水又東逕穀熟縣故城北睢

水又東蘄水出焉睢水又東逕粟縣故城北地理
 志曰侯國也王莽曰成富睢水又東逕太丘縣故
 城北地理志曰故敬丘也漢武帝元朔三年封魯
 恭王子節侯劉政為侯國漢書王子表魯恭王子
 節侯太丘屬沛郡注似誤引漢明帝更從今名列
 仙傳曰仙人文賓邑人賣鞞履為業矣列仙傳云
 丘鄉人也賣草履為業數取鞞數十年輒棄之後
 時故嫗年九十餘績見賓年更壯拜賓問道賓令
 其至正月朔會鄉亭西社教令服蒟蒻花地膚桑寄生松子嫗亦更壯睢水又東逕芒
 縣故城北漢高帝六年封酈跖為侯國王莽之傳
 治世祖改曰臨睢城西二里水南有豫州從事皇





毓碑殞身州牧陰君之罪時年二十五臨睢長平

與宋本李君二千石承當作輪氏夏文則郡國志

有輪氏縣夏文則蓋其邑人也高其行而悼其殞州國咨嗟旌閭

表墓昭敘令德式示後人城內有臨睢長左馮翊

王君碑善有治功累遷廣漢屬國都尉吏民思德

縣人公府掾陳盛孫郎中倪定興劉伯鄜等共立

石表政以刊遠績縣北與碭縣分水有碭山芒碭

縣之間山澤深固多懷神智有仙者涓子主柱並

隱碭山得道列仙傳云涓子齊人也餌木接食其精至三百年乃見於齊隱於宕山能

致風雨受伯陽九仙法又云主柱者與道士共上

漢高祖隱之呂后望氣知之即於是處也京房

候曰何以知賢人隱師曰視四方常有六雲五色

具而不雨其下賢人隱矣

又東過相縣南屈從城北東流當蕭縣南入于睢

相縣故宋地也秦始皇二十三年以為泗水郡漢

高帝四年改曰沛郡治此漢武帝元狩六年封南

越桂林監居翁為侯國曰湘成也王莽更名之吾

符縣曰吾符亭也舊本作吾符亭漢地理志王莽改沛郡曰吾符改相縣曰吾

符睢水東逕石馬亭亭西有漢故伏波將軍馬援


墓睢水又東逕相縣故城南宋恭公之所都也國

承字古多通丞
翰當作輪

項李鄜
作鄜

府園中猶有伯姬黃堂基堂夜被火左右曰夫人少避伯姬曰婦人之義保傳不具夜不下堂遂遇火而死斯堂即伯姬燬死處也城西有伯姬冢昔鄭渾為沛郡太守於蕭相二縣與陂堰民賴其利刻石頌之號曰鄭陂睢水又左合白瀆水水上承梧桐陂陂側有梧桐山陂水西南流逕相城東而南流注于睢睢盛則北流入于陂陂溢則西北注于睢出入迴環更相通注故經有入睢之文睢水又東逕彭城郡之靈壁東東南流漢書項羽敗漢王于靈壁東即此處也又云東通宋本穀泗服處

曰水名也在沛國相界又詳睢水逕穀熟兩分而睢水為蘄水故二水所在枝分通為兼稱穀水之名蓋因地變然則穀水即睢水也又云漢軍之敗也睢水為之不流睢水又東南逕竹縣故城南地理志曰王莽之篤亭也李奇曰今竹邑縣也睢水又東與澤湖水合水上承留丘縣之澤陂南北百餘里東西四十里東至朝解亭西屆彭城留丘縣之故城東王莽更名之曰善丘矣其水自陂南系于睢水睢水又東南八丈故溝水注之水上承蘄水而北會睢水又東逕苻離縣故城北漢武帝元



漢表作淮陵侯定國


光四年封路博德為侯國王莽之符合也。睢水東
 逕臨淮郡之取慮故城北。昔汝南步遊張少失其
 母及為縣令遇母于此。乃使良馬踟躕輕軒罔進。
 顧訪病姬。乃其母也。誠願宿憑而冥感昭徵矣。睢
 水又東合烏慈水。水出縣西南烏慈渚潭。漲東北
 流與長直故瀆合。溝舊上承蘄水北流八十五里。
 注烏慈水。烏慈水又東逕取慮縣南。又東屈逕其
 城東而北流。注于睢。睢水又東逕睢陵縣故城北。
 漢武帝元朔元年封江都易王子劉楚為侯國。孫

按史記年表江都易王子劉定國封睢陵侯。索隱曰在淮陽。王莽之睢陸也。睢

水又東與瀆水故瀆會。舊上承瀆縣西南瀆陂。東
 北流逕瀆縣故城北。又東北逕睢陵縣下。會睢。睢
 水又東南流逕下相縣故城南。高祖十二年封莊
 侯冷耳為侯國。應劭曰下相水出沛國相縣。故此
 加下也。然則下相又是睢水之別名也。東南流入
 于泗。謂之睢口。經止蕭縣。非也。所謂得其一而亡
 其二矣。

瓠子河出東郡濮陽縣北河

縣北十里。即瓠河口也。尚書禹貢雷夏既澤。雝沮
 會同。爾雅曰水自河出為雝。許慎曰雝者河雝水



也暨漢元光之年河水南決當作漂害民居武帝
 元封二年上使汲仁郭昌發卒數萬人塞瓠子決
 河於是上自萬里沙還臨決河沈白馬玉壁令羣
 臣將軍以下皆負薪填決河上悼功之不成乃作
 歌曰瓠子決兮將柰何殫為河兮地不寧功無已
 時兮吾山平吾山平兮巨野溢魚沸鬱兮柏冬日
 正道弛兮離常流蛟龍騁兮放遠遊歸舊川兮神
 哉沛不封禪兮安知外皇謂河公兮史記作爲我
 何不仁泛濫不止兮愁吾人齧桑浮兮淮泗滿久
 不返兮水唯緩一曰河湯湯兮激潏爰北渡迴兮

迅流難塞長菱兮湛美玉隕竹林兮捷石蓄宣防

塞兮萬福來辭具史記於是卒塞瓠子口築宮於

其上名曰宣房宮宋本亦謂瓠子堰為宣房堰

而水亦以瓠子受名焉平帝已後未及修理河水

東浸日月彌廣永平十二年顯宗詔樂浪人王景


治渠築隄起自滎陽東至千乘一千餘里景乃防


遏衝要疏決壅積瓠子之水絕而不通唯溝瀆存

焉河水舊東河逕濮陽城東北故衛也帝顓頊之

墟昔顓頊自窮桑徙此號曰商丘或謂之帝丘本

陶唐氏火正閼伯之所居亦夏伯昆吾之都殷之





相又都之故春秋傳曰闕伯居商丘相土因之是也衛成公自楚丘遷此秦始皇徙衛君角於野王置東郡治濮陽縣濮水逕其南故曰濮陽也沛公守濮陽環之以水張晏曰依河水自固春秋僖公十三年夏會于鹹杜預曰東郡濮陽縣有成城者也是瓠子故瀆又東逕桃城南春秋傳曰分曹地自洮盡曹地也今甄城孫云一作郵城西南五十里有桃城或謂之洮也瓠瀆又東南逕清丘北春秋宣公十二年經書楚滅蕭晉人宋衛曹同盟于清丘京相璠曰在今東郡濮陽縣東南三十里魏都尉治

高林云穀下
祝一林字

東至濟陰句陽縣為新溝漢地志濟陰郡句陽縣春秋句瀆之丘也音鉤

瓠河故瀆又東逕句陽之成陽城北宋本無城北此二字

側瀆帝王世紀曰堯葬濟陰成陽西北四十里是為穀墨子以為堯堂高三尺土階三等北教八狄

道死葬蛩山之陰山海經曰堯葬狄山之陽一名

崇山二說各殊以為成陽近是堯冢也余按小成

陽在成陽西南舊本作西北半里許實中俗嘯以為囚

堯城士安蓋以是為堯冢也郡國志濟陰郡成陽縣有堯冢汲冢蹟語

曰舜放堯於平陽續述征記云小成陽在陽城西

南半里許俗云囚堯城括地志引竹書云昔堯未

年德衰為舜所囚故濮州郵瓠子北有都關縣故

疑當作沮楚
同六國時以
為楚五

水經注卷之二十四

十四

十一

四百五十一

城縣有羊里亭瓠河逕其南為羊里水蓋資城地
而變名由經有新溝之異稱矣黃初中賈逵為豫
州刺史與諸將征吳於洞浦有功魏封逵為羊里
亭侯邑四百戶即斯亭也魏志云賈逵征吳破呂
範於洞浦進封陽里亭
侯俗名之羊子城非也蓋韻近字轉耳又東石會
濮水枝津水上承濮渠泉逕鉅丘城南京相璠曰
今濮陽城西南十五里有沮丘城六國時沮楚同
以為楚丘非也又東逕浚城南而北去濮陽三十
五里城側有寒泉岡即詩所謂爰有寒泉在浚之
下世謂之高平渠非也京相璠曰濮水故道在濮

陽南者也又東逕句陽縣西句瀆出焉濮水枝渠
又東北逕句陽縣之小成陽縣故東垂亭西而北
入瓠河地理志曰濮水首受沛孫云受沛
當作受沛於封丘


縣東北至都關入羊里水者也又按地理志山陽
郡有都關縣今其城在廩丘城西考地志山陽廩
丘俱屬濟陰則都關無隸山陽理又按地理志邴
都亦是山陽之屬縣矣而東杜當作
京相考地驗城又

並言在廩丘城南推此而論似地志之誤矣或亦
疆理參差所未詳瓠瀆又東逕垂亭北春秋隱公
八年宋公衛侯遇于犬丘左傳作
犬丘經書垂也京相

水經注卷

卷之二十四

十一



璠曰今濟陰句陽縣小城陽充家云當作成陽東五里有故垂亭者也

又東北過廩丘縣為濮水

瓠河又左逕雷澤北其澤藪在大城陽縣故城西北一十餘里晉書晉履大蹟處也其陂東西二十餘里南北一十五里即舜所漁也澤之東南即成陽縣故史記曰武王封弟季載於成應劭曰其後乃遷于成之陽故曰成陽也地理志曰成陽有堯冢靈臺今成陽城西二里有堯陵陵南一里有堯母慶都陵於城為西南稱曰靈都鄉曰崇仁邑號

脩義皆立廟四周列水潭而不流水澤通泉泉不

耗竭至豐魚笱不敢採捕前並列數碑枯栢當作枯栢

數株檀馬檀馬字譌或謂檀與駮馬也詩疏云駮馬梓榆也諺曰所檀不辯得繫迷繫迷

尚可得駮馬言成林二陵南北列馳道逕通皆以

三木之相似也塼砌之尚修整堯陵東城西五十餘步中山夫人


祠堯妃也石壁階墀仍舊南西北三面長櫟聯蔭

扶疎里餘中山夫人祠南有仲山南冢冢西有石

廟羊虎傾低破碎略盡於城為西南在靈臺之東


北按郭緣生述征記自漢迄晉二千石及丞尉多

刊石述敘堯即位至永嘉三年二千七百二十有



一載記述堯妃見漢建寧四年五月成陽令管遵所立碑文云堯陵北山甫墓南二冢間伍員祠晉大安中立一碑是永興中建今碑祠並無處所又言堯陵在城南九里中山夫人祠在城南二里東南六里堯母慶都冢堯陵北二里有仲山甫墓考地驗狀咸為踈僻蓋聞疑書疑耳雷澤西南十許里有小山孤立峻上亭亭傑峙謂之歷山山北有小阜南屬池澤之東北有陶墟緣生言舜耕陶所在墟阜聯屬瀆帶宋本作瀆帶瓠河也鄭玄曰歷山在河東今有舜井皇甫謐或言今濟陰歷山是也與

雷澤相比余謂鄭玄之言為然故楊雄河水賦曰登歷觀而遙望兮聊浮遊於河之巖今雷首山西枕大河校之圖緯於事為允士安又云定陶西南陶丘舜一作亭也不言在此緣生為失瓠河之北即廩丘縣也王隱晉書地道記曰廩丘者春秋之所謂齊邑矣實表東海者也竹書紀年晉烈公十一年田悼子卒田布殺其大夫公孫公孫以廩丘叛于趙今竹書作田布殺其大夫公孫孫孫公孫孫以廩丘叛于趙田布圍廩丘翟角趙孔屑韓師竹書作氏救廩丘及田布戰于龍澤田布敗遁一作田師敗遁是也瓠河與濮水俱東流經所謂



過廩丘為濮水者也。縣南瓠北有羊角城。春秋傳曰取晉羊角遂襲我高魚。舊本大雨自實入介其庫登其城剋而取之者也。京相璠曰衛邑也。今東郡廩丘縣南有羊角城。今魯邑也。今廩丘東北有故高魚城。俗謂之交魚城。謂羊角為角逐城。皆非也。瓠河又逕陽晉城南。史記蘇秦說齊曰過衛陽晉之道徑于亢父之險者也。今陽晉城在廩丘城東南一十餘里。與都關為左右也。張儀曰秦下甲攻衛陽晉大關天下之匈。徐廣史記音義云關一作開。東之亢父則其道矣。瓠河之北又有邲都。

城春秋隱公三年邲侵衛京相璠曰東郡廩丘縣

南孫按史記年表金安上封都成侯。韋按漢書三

十里有故邲都地理志曰山陽鄉也。褚先生曰漢

封金安上為侯國。至莽改名之曰城穀者也。瓠河

又東逕黎縣故城南。王莽改曰黎治矣。孟康曰今


黎陽也。薛瓚言按黎陽在魏郡。非此黎陽也。世謂

黎侯城。昔黎侯陽寓于衛。詩所謂胡為乎泥中。毛

云泥中邑名。疑此城也。土地汗下。城居小阜。魏濮

陽郡治也。瓠河又東逕稅縣故城南。地理志曰濟

陰之屬縣也。褚先生曰漢武帝封金日磾為侯國。



王莽之萬歲矣世猶謂之為萬歲亭也瓠河又東
逕鄆城南春秋左傳成公十六年公自沙隨還待
于鄆京相璠曰公羊作運字今東郡廩丘縣東八
十里有故運城卽此城也

又北過東郡范縣東北為濟渠與將渠合


瓠河自運城東北逕范縣與濟濮枝渠合故渠上
承濟瀆於乘氏縣北逕范縣左納瓠瀆故經有濟
渠之稱又北與將渠受河於范縣西北東南逕秦
亭南杜預釋地東平范縣西北有秦亭也又東南
逕范縣故城南王莽更名建睦也漢興平中斬允

為范令曹太祖東征陶謙於徐州張邈迎呂布郡
縣響應程昱說允曰君必固范我守東阿田單之
功卽斯邑也將渠又東會濟渠自下通謂之將渠
北逕范城東俗又謂之趙溝非也

又東北過東阿縣東

瓠河故瀆又東北左合將渠枝瀆上承將渠於范
縣東北逕范縣北又東北逕東阿城南而東入瓠
河故瀆又北逕東阿縣故城東春秋經書冬及齊
侯盟于柯左傳曰冬盟于柯始及齊平杜預曰東
阿卽柯邑也按國語曹沫挾匕首劫齊桓公返遂

項本由
單之功
下有可
立二字



邑於此矣

又東北過臨邑縣西又東北過茌平縣東為鄧里渠
自宣防已下將渠已上無復有水將渠下水首受
河自北為鄧里渠

又東北過祝阿縣為濟渠

河水自泗口出為濟水濟水二瀆合而東注于祝
阿也

又東北至梁鄒縣西分為二

脈水尋梁鄒濟無二流蓋經之誤

其東北者為濟河其東者為時水又東北至濟河濟

河東北入于海時水東至臨淄縣西屈南過太山華
縣東又南至費縣東入于沂


時卽彫水也音而春秋襄公三年齊晉盟于彫者
也京相璠曰今臨淄唯有濇水西北入

下並卽地理志曰如水矣彫如聲相似然則濇水

卽彫水也蓋以濇與時合得通稱矣時水自西安
城西南分為二水枝津別出西流德會水注之水


出昌國縣黃山西北流逕昌國縣故城南昔樂毅
攻齊有功燕昭王以是縣封之為昌國君德會水

又西北五里泉水注之水出縣南黃阜北流逕城



西北入德會又西北世謂之滄浪溝又北流注時
 水地理志曰德會水出昌國西北至西安入海是
 也時水又西逕東高苑城中而西注也俗人過令
 側城南注又屈其城南史記漢文帝十五年分齊
 為膠西王國都高邑徐廣音義曰樂安有高苑城
 故俗謂之東苑也其水又北注故瀆又西蓋野溝
 水注之源導延鄉城東北平地出泉西北逕延鄉
 城北地理志曰千乘有延鄉縣世人謂故城為從
 城延從字相似讀隨字改所未詳也西北流世謂
 之蓋野溝又西北流逕高苑縣北注時水時水又
 西逕西高苑縣故城南漢高帝六年封丙倩為侯
 國王莽之常鄉也其水側城西注京相璠曰今樂
 安博昌縣南界有時水西通濟其上源出盤陽北
 至高苑下有死時中無水杜預亦云時水於樂安
 枝流旱則竭耗為春秋之乾時也左傳莊公九年
 齊魯戰地魯師敗處也時水西北至梁鄒城入于
 沛非沛入時蓋時來注沛若沛分東流明不得以
 時為名尋時沛更無別流南延華費之所斯為謬
 矣

汶水出太山萊蕪縣原山西南過嬴縣南



沛當作沛

入系江

卷二十四

十九

三百七十九

萊蕪縣在齊城西南原山又在縣西南六十許里
 地理志汶水與淄水俱出原山西南入沛故不得
 過其縣南也從征記曰汶水出縣西南流又言自
 入萊蕪谷夾路連山百數里水隍多行石澗中出
 草藥饒松柏林藿綿濛崖壁相望或傾岑阻徑或
 迴巖絕谷清風鳴條山壑俱響凌高降深兼喘慄
 之懼危蹊脫一絕字徑過懸度之艱未出谷十餘里有
 別谷在孤山谷有清泉泉上數丈有石穴二口容
 人行入穴丈餘高九尺許廣四五丈言是昔人居
 山之處薪爨煙墨猶存谷中林木緻密行人尠有
 能至矣又有少許山田引灌之蹤尚存出谷有平
 丘面山傍水土人悉以種麥云此丘不宜殖稷黍
 而宜麥齊人相承以殖之意謂麥丘所栖愚公谷
 也何其深沈幽翳可以託業怡生如此也余時逕
 此為之踟躕為之屢眷矣余按麥丘愚公在齊不
 在魯川谷猶傳其名蓋誌者之謬耳汶水又西南
 逕羸縣故城南春秋左傳桓公三年公會齊侯于
 羸成婚于齊也

又東南過奉高縣北


奉高縣漢武帝元封元年立以奉太山郡治也縣

入系江

卷二十四

十九

良



北有吳季札子墓在汶水南曲中季札之聘上國也喪子於贏博之間卽此處也從征記曰贏縣西六十里有季札兒冢冢圓其高可隱也前有石銘一所漢末奉高令所立無所述敘標誌而已自昔恒蠲民戶灑掃之今不能然碑石糜碎靡有遺矣唯跌存焉

屈從縣西南流

汶出牟縣故城西南阜下俗謂之胡盧堆淮南子曰汶出弗其高誘曰山名也或斯阜也牟縣故城在東北古牟國也春秋時牟人朝魯故應劭曰魯

附庸也俗謂是水爲牟汶也又西南逕奉高縣故城而西南流注于汶汶水又南右合北汶水出分水谿源與中川分水東南流逕太山東右天門下谿水水出太山天門下谷東流古者帝王升封咸憩此水水上往往有石窾存焉蓋古設舍所跨處也馬第伯書云光武封太山第伯從登山去平地二十里南向極望無不覩其爲高也如視浮雲其


峻

常有也字

石壁竅窳仰視巖石松樹鬱鬱蒼蒼如在

雲中俯視谿谷碌碌不可丈尺直上七十里天門仰視天門如從穴中視天矣

今封禪儀記曰不可丈尺遂至天門之下



東林云當作
龜陰之田
泰山下屬下

石勒改元建平
三年建武
中漢以後
建武為漢

系注卷二十四

四百十八

仰視天門變遠如從穴中視天直上七里賴其應
羊騰透迤名曰環道往往有繩索可得而登也
劭漢官儀云太山東南南山頂名曰日觀者雞一鳴
時見日始欲出長三丈許故以名焉其水自谿而
東濬波注壑東南流逕龜陰之龜田山在博縣北
一十五里昔夫子傷政道之陵遲故望山而懷操
故琴操有龜山操焉山北即龜陰之田也春秋定
公十年齊人來歸龜陰之田是也又合環水水出
太山南谿南流歷中階兩廟間從征記曰太山有
下中上三廟牆闕嚴整廟中栢樹夾兩階大二十
餘圍蓋漢武所植也赤眉嘗斫一樹見血而止今


斧創猶存門閣三重樓榭四所三層壇一所高丈
餘廣八丈樹前有大井極香冷異於凡水不知何
代所掘不常浚濶而水旱不減庫中有漢時故樂
器及神車木偶皆靡密巧麗又有石勒建武十三
年采貴侯宋本作未貴張余上金馬一匹高二尺餘形
制甚精中廟去下廟五里屋宇又崇麗於下廟廟
東西夾澗上廟在山頂即封禪處也後漢祭祀志云建武三十
年羣臣上言宜封禪泰山詔不許三十二年正月
上讀河圖感動乃求元封時封禪故事是年二月
東巡狩至于岱宗辛卯登封泰山甲午禪共水
于梁陰此云十三年乃二十年之誤也
云當作又屈而東流入于汶水又東南流逕南明
其水

六經注疏

卷二十四


三

良



堂下漢武帝元封元年封太山降坐明堂於山之東北卽武帝以古處險狹而不顯也欲治明堂於奉高傍而未曉其制濟南人公玉帶上黃帝時明堂圖圖中有一殿四面無壁以茅蓋之通水園宮垣為複道上有樓從西南入名曰崑崙天子從之入以拜祀上帝焉於是上令奉高作明堂於汶水如帶圖也古引水為壁雍處基瀆存焉世謂此水為石汶山海經曰環水出泰山東流注于江孫云郭注日江一作海即此水也環水又左入於汶水汶水又西南流逕徂徠山西山多松柏詩所謂徂徠之松也

廣雅曰道梓松也抱朴子稱玉策記曰千歲之松中有物或如青牛或如青犬或如人皆壽萬歲又稱天陵有偃蓋之松也所謂樓松也魯連子曰松縱高千仞而無枝非憂王實宋本作王室之無柱也爾雅曰松葉栢身曰樅鄒山記曰徂嶧山在梁甫奉高博三縣界猶有美松亦曰尤嶧之山也赤眉渠師樊崇所堡也故崇自號尤嶧三老矣山東巢父廟山高十里山下有陂水方百許步三道流注一水東北沿溪而下屈逕縣南西北流入于汶一水北流歷澗西流入于汶一水南流逕陽關亭南春秋



襄公十七年逆臧紇自陽關者也又西流入于汶水也

過博縣西北

汶水南逕博縣故城東春秋哀公十一年會吳伐博者也灌嬰破田橫於城下屈從其城南西流不在西北也汶水又西南逕龍鄉故城南春秋成公二年齊侯圍龍龍囚頃公嬖人盧蒲就孫云左傳作盧蒲就魁殺而膊諸城上齊侯親鼓取龍者也漢高帝八年封謁者陳畧為侯國汶水又西南逕亭亭山東黃帝所禪也山有神廟水上有石門舊分水下漑

處也汶水又西南逕陽關故城西本齊平縣之陽

關亭矣有平當作鉅平郡國志云泰山郡鉅平縣有陽關亭春秋襄公十七

年逆臧紇自陽者矣陽虎據之舊本作居之以叛伐

之虎焚萊門而奔齊者也汶水又南左會淄水水

出太山梁父縣東西南流逕菟裘城北春秋隱公


十一年營之公謂羽父曰吾將歸老焉故郡國志

曰梁父有菟裘聚淄水又逕梁父縣故城南縣北

有梁父山開山圖曰太山在左亢父在右亢父知

生梁甫主死王者封太山禪梁甫故縣取名焉淄

水又西南逕柴縣故城北地理志曰太山之屬縣



也世謂之柴汶矣淄水又逕郕北漢高帝六年封

董濼為侯國孫云按史記董濼封成侯春秋齊師圍郕郕人伐

齊飲馬於斯水也昔孔子行於郕之野遇榮啓期

於是衣鹿裘被髮琴歌三樂之懽夫子善其能寬

矣列子榮啓期曰天生萬物唯人為貴吾得為人

一樂也男女之別男尊女卑吾得為男二樂也

人生有不見日月不免襁褓淄水又西逕陽關城

南西流注於汶水汶水又南逕鉅平縣故城東而

西南流城東有魯道詩所謂魯道有蕩齊子由歸

者也今汶上夾水有文姜臺汶水又西南流詩云

汶水滔滔矣淮南子曰洛渡汶則死天地之性倚

伏難尋固不可以情理窮也汶水又西南逕魯國

汶陽縣北王莽之汶亭也縣北有曲水池亭春秋

桓公十二年經書公會祀侯莒子於曲池左傳曰

平杞莒也故杜預曰魯國汶陽縣北有曲水亭漢

章帝元和三年東巡太山立行宮於汶陽執金吾

耿恭恭屯城門於汶上基壘存焉世謂之闕陵


城也汶水又西逕汶陽縣故城北而注

又西南過蛇丘縣南

汶水又西洗水出焉謝兆申云洗字誤當作洸二

十五卷有洸水克家云出焉當作又西逕蛇丘縣南縣治鑄鄉故城宋本作春

注下疑有脫文




秋左傳宣叔娶于鑄是也。杜預曰：濟北蛇丘縣所治鑄鄉城者也。

又西南過岡縣北。

地理志：鄉故闡也。王莽更之曰柔也。應劭曰：春秋經書齊人取讎及闡亭是也。杜預春秋釋地曰：闡在岡縣北，岡城東有一小亭，今岡縣治。俗人又謂之關亭。京相璠曰：岡縣西四十里有闡亭，未知孰是。汶水又西，蛇水注之。水出縣東北太山西南流，逕汝陽之田，齊所侵也。自汶之北，平暢極目。僖公以賜季友。蛇水又西南，逕鑄城西。左傳所謂蛇淵。

圃也。故京相璠曰：今濟北有蛇丘城，城下有水，魯圃也。俗謂之濁須水，非矣。蛇水又西南，逕夏暉城南。經書公會齊侯于下讎是也。今俗謂之夏暉城。蓋春秋左傳桓公三年，公子翬如齊，齊侯送姜氏于下讎，非禮是也。世有夏暉之名矣。蛇水又西南入汶。汶水又西，溝水注之。水出東北馬山西南流，逕棘亭南。春秋成公三年，經書秋叔孫僑如帥師圍棘。左傳曰：取汶陽之田，棘不服。圃之南去汶水八十里。又西南逕遂城東。地理志曰：蛇丘隧鄉，舊本舊本作遂。春秋經傳俱作遂。漢地理志作隧。故隧國也。春秋莊公十三年。



水經注卷二十四 三百六十一
齊滅遂而戍之者也京相璠曰隧在蛇丘東北十里杜預亦以為然然縣東北無城以擬之今城在蛇丘西北蓋杜預傳疑之非也又西逕下謹城西而入汶水汶水又西逕春亭北考古無春名唯平陸縣有崇陽亭然是東去岡城四十里進謝云一作推璠所注則符並所未詳也

又西南過平章縣南

地理志曰東平國故梁也景帝中和六年別為濟東國武帝元鼎元年為大河郡宣帝甘露二年為東平國王莽之有鹽城也章縣按世本任姓之國

也齊人降章者也故在無鹽城東北五十里汶水

又西南有泌水注之水出肥縣東北自源西南流

逕肥城縣故城南樂正子春謂其弟子曰子適齊

過肥肥有君子焉左逕句窳亭北章帝元和二年

鳳凰集肥城句窳亭後其祖當作復其祖而逕太山即


是亭也泌水又西南逕富城縣故城西王莽之戍


富也舊本作城富其水又西南流注於汶汶水又西南

逕桃鄉縣故城西王莽之鄣亭也世以此為鄣城

非蓋因巨新之故目耳

又西南過無鹽縣南又西南過壽張縣北又西南至





安民亭入于濟

汶水自桃鄉四分當其派別之處謂之四汶口其

左二水雙流西南至無鹽縣之邱鄉城南魯叔孫

昭伯之故邑也禍及鬪雞矣左傳曰季郈之雞鬪

之金距平子怒益宮於郈氏且讓之故郈伯亦怨平子春秋左傳定公十二

年叔孫氏墮郈今其城無南面汶水又西南逕東

平陸縣漢志東平國有東平陸縣故城北應劭曰古厥也今有

厥亭汶水又西逕危山南世謂之龍山也漢書五

行志曰哀帝時無鹽危山土自起覆草如馳道狀

又瓠山石轉立晉灼曰漢注作報山山脇石一丈

漢書作轉側起立高九丈尺六寸傍行一丈高

漢書作四尺東平王雲及后謁自之石所祭治石象

報山立石東倍草并祠之建平三年息夫躬告之

王自殺后謁棄市國除漢書石立宣帝起之象也

舊本作宣帝起之表也吳本改作象汶水又西合為一水西南入茂

都澱澱陂水之異名也澱水西南出謂之巨野溝

又西南逕致密城南郡國志曰須昌縣有致密城

古中都城即夫子所宰之邑矣制養生送死之節

長幼男女之禮路不拾遺器不彫偽矣巨野溝又

西南入桓公河北水西出澱謂之臣良水一作西

巨良

及字疑

事在宣元六王
傳非五行志名
立宣帝起之
表也乃東平王
后謁辭

此石乃王氏以
庶姓代漢之微
非宣帝也泰山
萊蕪山南大石
自立則宣帝起
之表也後以為
已祥耳

南逕致密城北西南流注洪瀆次一汶西逕郟亭北又西至壽張故城東遂為澤渚初平三年曹公

擊黃巾於壽張東鮑信戰死於此魏志云青州黃

州殺任城相轉入東平劉岱欲擊之鮑信以為不可宜據要害固守岱不從與賊戰果為所殺信乃

與州吏至東郡迎太祖領兗州始進兵擊黃巾于壽張東信力戰死僅而破之其右一汶

西流逕無鹽縣之故城南舊宿國也齊宣后之故

邑所謂無鹽醜女也漢武帝元朔四年封城陽共

王子劉慶為東平侯即此邑也王莽更名之曰有

鹽亭汶水又西逕洽鄉城南地理志曰所謂無鹽

有洽鄉者也汶水西南流逕壽張縣故城北春秋

之良縣也縣有壽聚漢曰壽良應劭曰世祖叔母

名良故光武改曰壽張也建武十五年世祖封樊

宏為侯國汶水又西南長直溝水注之水出須昌

城東北穀陽山南逕須昌城東又南漆溝水注焉

水出無鹽城東北五里阜山下西逕無鹽縣故城

北水側有東平憲王倉冢碑闕存焉元和三年章


帝幸東平祀以太牢親拜祠坐賜御劔於陵前其

水又西流注長直溝溝水奇分為二一水西逕須

昌城南入浦一水南流注於汶汶水又西流入浦

故淮南子曰汶出弗其西流合浦今淮南子云汶


出弗其流合於








濟高誘云弗其山名在朱虛縣東余按誘說是乃
 東汶非經所謂入沛者也孫云沛當作洙蓋其誤證耳

九月初一日乙亥閱


國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches

© The Tiffen Company, 2007



國家圖書館, NATIONAL CENTRAL LIBRARY, TAIWAN, R.O.C.



按沂水下當
列洙水

水經注箋卷第二十五

漢 桑 欽撰

後魏 酈道元 注

明 李長庚訂

孫汝澄

朱謀煒箋


李克家全校

泗水 沂水

泗水出魯卞縣北山

地理志曰出濟陰乘氏縣又云出卞縣北經言北
山皆為非矣山海經曰泗水出魯東北余昔因公
事於歷徐沈路逕洙泗因令尋其源流水出卞縣
故城東南桃墟西北春秋昭公七年謝息納季孫

國家圖書館, NATIONAL CENTRAL LIBRARY, TAIWAN, R.O.C.



今人附會子在
川上即是此地
蓋因源水之
額故耳

之言以孟氏成邑與晉而遷于桃杜預曰魯國下

縣東南有桃虛世謂之曰陶墟舜所處也井曰舜

井皆為非也墟有澤澤方一十五里御覽引此注云陶墟舜所

陶墟也井曰舜井皆為此也墟有漏澤方一十五里濁水微渟當作三丈如

減澤西際阜俗謂之媯亭山蓋有陶墟舜井之言

因復有媯亭之名矣阜則有三石穴廣圓三四尺

穴有通否水有盈漏數夕之中則傾陂竭澤矣御覽

引此注云阜側有三石穴廣圓三四尺穴有通否水有盈漏漏則數夕之中傾陂竭澤矣左右

民居識其將漏預以木為曲狀約鄣穴口魚鼈暴

鱗不可勝載矣自此連岡通阜西北四十許里岡

之西際便得泗水之源也博物志曰泗出陪尾蓋

斯阜者矣石穴吐水五泉俱導泉穴各徑尺餘水

源南側有一潮梧栢成林時則謂之原泉祠非所

究也泗水西逕其縣故城南春秋襄公二十年季

武子取卞曰聞守卞者將叛臣率徒以討之是也


南有姑蔑城春秋隱公元年公及邾儀父盟于蔑

者也水出二邑之間西逕郟城北春秋文公七年

經書公伐邾三月甲戌取須句遂城郟杜預曰魯

邑也卞縣南有郟城備邾難也泗水自卞而會於

洙水也



西南逕魯縣北

卷三十五


三百六十

泗水又西南流逕魯縣分為二流水則有一城為
 二水之分會也北為洙瀆春秋莊公九年經書冬
 浚洙京相璠曰杜預並言洙水在魯城北浚深之
 為齊備也南則泗水夫子教于洙泗之間今於城
 北二水之中即夫子領徒之所也從征記曰洙泗
 二水交於魯城東北十七里闕里背洙泗牆南北
 一百二十步東西六十步四門各有石闕北門去
 洙水百步餘後漢初闕里荆棘自闕從講堂至九
 里鮑永為相因修饗祠以誅魯賊彭豐等郭緣生

言泗水在城南非也余按國語宣公夏濫于泗淵
 里葦斷畧棄之葦昭云泗在魯城當作城北史記冢

記王隱地道記咸言葬孔子於魯城北泗水上今
 泗水南有夫子冢春秋孔演圖曰鳥化為書孔子
 奉以告天赤爵銜書上化為黃玉刻曰孔提命作
 應法為赤制說題辭曰孔子卒以所受黃玉葬魯
 城北即子貢廬墓處也譙周云孔子死後魯人就
 冢次而居者百有餘家命曰孔里孔叢子曰夫子
 墓塋方一里在魯城北六里泗水上諸孔氏封五
 十餘所人名昭穆不可復識有銘碑三所獸碣具

子字衍後人
所妄增也



存皇覽曰弟子各以四方奇木來植故多諸異樹不生棘木刺草今則無復遺條矣

聖賢冢墓記云孔子冢塋中樹

以百數皆異種世世無能名其樹者其樹皆弟子持其方樹來種之有柞枌雜離女貞五味皂櫨之屬

泗水自城北南逕魯城西南合沂水沂水出魯城東南尼丘山西北山即顏母所祈而生孔子也

山東一十里有顏母廟山南數里孔子父葬處禮

所謂防墓崩者也平地發泉流逕魯縣故城南水

北東門外即爰居所止處也國語曰海鳥曰爰居

止於魯城東門之外三日臧文仲祭之展禽譏焉

故莊子曰海鳥止郊魯侯觴之奏以廣樂具以太

牢三日而死此養非所養矣門郭之外亦戎夷死

處呂氏春秋曰昔戎夷違齊如魯天大寒而後門

與弟子宿於郭門外寒愈甚謂弟子曰子與我衣

我活我與子衣子活我國士也為天子當作天子惜子

不肖人不足愛弟子曰不肖人惡能與國士并衣


哉戎歎曰不濟夫解衣與弟子半夜而死沂水北

對稷門昔圉人犖有力能投蓋于此門服虔曰能

投千鈞之重過門之上也杜預謂走接屋之榘反

覆門上也春秋僖公二十年經書春新作南門左

傳曰書不時也杜預曰本名稷門僖公更高大之



改字後左傳注

水經注

卷二十五

四

四百二十个

今猶不與諸門同故名高門也其遺基猶在地八丈餘矣亦曰雩門春秋左傳莊公十年公子偃請擊宋師竊從雩門蒙臯比而出者也門南隔水有雩壇壇高三丈曾點所欲風舞處也高門一里餘道西有道兒君碑是魯相陳君立昔曾參居此臯不入郭縣即曲阜之地少昊之墟有大庭氏之庫春秋豎牛之所攻也故劉公幹魯都賦曰戰武器於有災之庫有災字誤玉海引此注作有炎是也古史考云大庭氏姜姓以火德王號帝日炎放戎馬於巨野之坰周武王封姬旦於曲阜曰魯秦始皇二十三年以為薛郡漢高后元年為

此氏舉有道者

以疑亦似

費下當有人字


魯國阜上有季氏宅宅有武子臺今雖崩夷猶高數丈臺西百步有大井廣三丈深十餘丈以石壘之石以磬制春秋宣公十二年孫叔左傳是定公十二年公山不狃帥費攻魯公入季氏之宮登武子之臺也臺之西北二里有周公臺高五丈周五十步臺南四里許則孔廟即夫子之故宅也宅大一頃所居之堂後世以為廟漢高祖十三年過魯以太牢祀孔子自秦燒詩書經典淪缺漢武帝時魯恭王壞孔子舊宅得尚書春秋論語孝經時人已不復知有古文謂之科斗書漢書秘之宋本作漢時秘之希有見者

水經注

卷二十五

五

王國



宗師者乃是
孔氏子孫為之
百戶吏卒乃守
衛之人尔


百餘步。即靈光殿基。東西二十四丈。南北十二丈。高丈餘。東西廊廡別舍。中間方七百餘步。闕之東北有浴池。方四十許步。池中有釣臺。方十步。池臺悉石也。遺基尚整。故王延壽賦曰。周行數里。仰不見日者也。是漢景帝程姬子魯恭王之所造也。殿之東南。即泮宮也。在高門直北道。西宮中有臺。高八十尺。臺南水東西一百步。南北六十步。臺西水南北四百步。東西六十步。臺池咸結石為之。詩所謂思樂泮水也。沂水又西。逕圓丘北。丘高四丈餘。沂水又西流。昔韓雉射龍於斯水之上。尸子曰。韓雉見申羊於魯。有龍飲於沂。韓雉曰。吾聞也。出見虎搏之。見龍射之。今弗射。是不得行吾聞也。遂射之。沂水又西。右注泗水者也。

又西過瑕丘縣。東屈從縣東南流。鄒水從東來注之。瑕丘魯邑。春秋之負瑕矣。襄公七年。

孫按左傳是哀公七年。

季康子伐邾。囚諸負瑕。是也。應劭曰。瑕丘在縣西南。昔衛大夫公叔文子升於瑕丘。遽伯玉從。文子曰。樂哉斯丘。死則我欲葬焉。伯玉曰。吾子樂之。則瑗請前刺其欲害民良田也。瑕丘之名。蓋因斯以表稱矣。曾子弔諸負夏。


公叔文子升於瑕丘。曾子弔諸負夏。俱出禮弓上篇。



鄭玄皇甫謐並言衛地魯衛雖殊土則一也。鄆水出東海合鄉縣。漢和帝永寧九年封馬光子復為侯國。其水西南流入邾。春秋襄公二年孫按左傳是哀公二年季孫斯伐邾取鄆。東田及沂西田是也。鄆水又逕魯國鄆山東南而西南流。春秋左傳所謂嶧山也。邾文公之所遷。今城鄆山之陽。依巖阻以墉固。故邾婁之國。曹姓也。叔梁紇之邑也。孔子生於此。後乃縣之。因鄆山之名。以氏縣也。王莽之鄆亭矣。京相璠曰。地理志嶧山在鄆縣北。繹邑之所依。為名也。山東西二十里。高秀獨出。積石相臨。殆無土。

自嶧山至邾縣注校

壤石間多孔穴。洞達相通。往往有如數間屋處。其俗謂之嶧孔。遭亂輒將處當作居人入嶧。外寇雖眾。無所施害。永嘉中。太尉郗鑒將鄉曲。逃此山。胡賊攻守不能得。今山南有大嶧。名曰郗公嶧。山北有絕巖。秦始皇觀禮於魯。登於嶧山之上。命丞相李斯以大篆勒銘山嶺。名曰畫門。御覽引此注作畫門。俱誤。唯山東通志作畫門。近是。詩所謂保其鳧嶧者也。鄆水又西南逕蕃縣。故城南。又西逕薛縣。故城北。地理志曰。夏車正奚仲之國也。竹書紀年。梁惠成王三十一年。邳遷于薛。改名徐州。城南山上有奚仲冢。晉太康地記



奚仲冢在城南二十五里山上百姓謂之神靈也

齊封田文於此號孟嘗君有惠喻惠喻當作惠譽即馮瑗焚券事

也今郭側猶有文冢結石為郭作制嚴固瑩麗可

尋行人往還莫不逕觀以為異見矣澗水又西逕

仲虺城北晉太康地記曰奚仲遷於邳仲虺居之

以為湯左相其後當周爵稱侯後見侵削霸者所

絀為伯任姓也應劭曰邳存薛宋本作邳在薛徐廣史記

音義曰楚元王子邳以呂后二年封上邳侯也孫

按史記楚元王子劉邳客封上邳侯有下故此為上矣晉書地道記

曰仲虺城在薛城西三十里澗水又西逕至胡陸

縣入于泗故京相璠曰薛縣澗水首受蕃縣西注

出陽胡陸是也經言瑕丘東誤耳

又南過平陽縣西

縣即山陽郡之南平陽縣也竹書紀年曰梁惠成

王二十九年齊田盼及宋人伐我東鄙圍平陽者


也王莽改之曰龜平矣泗水又南逕故城西世謂


之漆鄉應劭十三州記曰漆鄉邾邑也杜預曰平

陽東北有漆鄉澗今見有故城西南方二里所未

詳也

又南過高平縣西洸水從北西來流注之





八年當作七

地理志云山陽郡有橐縣音拓此字却當為橐兩存其說可也高平既王莽所更則親相所封乃淮臨郡之高平郡氏志不能無誤地理志下注侯國

泗水南逕高平山山東西十里南北五里高四里與衆山相連其山最高頂上方平故謂之高平山縣亦取名焉泗水又南逕高平縣故城西漢宣帝地節三年封丞相魏相為侯國高帝八年封將軍陳錯為橐侯史記漢書功臣表並作橐侯陳錯為橐侯此注改作橐侯未知何據豈鄺君所見史漢別本有異乎地理志曰縣故山陽之橐也舊本橐作橐王莽改曰高平應劭曰章帝改按本志曰王莽更名章帝因之矣所謂泲水者泲水也蓋泲泆相入受通稱矣

又南過方輿縣東

漢地理志方輿縣屬山陽郡晉灼音房豫

漢哀帝建平四年縣女子田無嗇生子先未生二月兒啼腹中及生不舉茲之陌上三日人過聞啼聲母掘養之

荷水從西來注之

荷當作荷

荷水即沛水之所苞注以成湖澤也而東與泗水合於湖陵縣西六十里穀庭城下俗謂之黃水口黃水西北通巨野澤蓋以黃水公注于荷故因以名焉

又屈東南過湖陸縣南洧洧水宋本作洧洧水從東北來流注之

沛當作沛

陵字衍

水經注卷之五

卷之五

十一

三百二十七

地理志曰故湖陸縣也荷水在南王莽更曰湖陸
 應劭曰尚書一名湖陵章帝封東平王蒼子為湖
 陵侯更名湖陵也泗水又東逕郟鑿所築城北又
 東逕湖陵城東南昔桓温北入也范曄擒慕容忠
 於此城東有度尚碑泗水又左會南梁水地理志
 曰水出蕃縣今縣之東北平澤出泉若輪焉發源
 成川西南流分為二水北枝水西出逕蕃縣北西
 逕滕城北春秋左傳隱公十一年滕侯薛侯來朝
 爭長薛侯曰我先封滕侯曰我周之卜正也薛庶
 姓也我不可以後之公使羽父請薛侯曰君辱在


寡人周諺有之曰山有木工則度之賓有禮主則
 擇之周之宗盟異姓為後寡人若朝于薛不敢與
 諸任齒君若辱貺寡人則願以滕君為請薛侯許
 之乃長滕侯者也漢高祖封夏侯嬰為侯國號曰
 滕公當作丘鄧晨曰今沛郡公丘也其水又溉於丘焉於
 子錯叔繡文公所封也埤披左傳富辰曰管蔡邲
 原鄧邲文之昭也世本云周文王子錯叔繡封于
 滕杜預世譜並同唯漢書地志沛郡公丘縣注謂
 滕是周懿王子錯叔繡所封故水經注仍其說齊滅之秦以為縣漢武帝
 元朝三年封魯恭王子劉順為侯國世以此水溉

水經注卷之五

卷之五

十一

吉




我良田遂及百秣故有兩溝之名焉南梁水自枝渠西南逕魯國蕃縣故城東俗以南隣於濶亦謂之西濶水南梁水又屈逕城南應劭曰縣古小邾邑也地理志曰其水西流注于沛沛在湖陸西面左注泗宋本作泗泗沛合流故地記或言沛入泗泗亦言入沛互受通稱故有入沛之文闕駟十三州志曰西至湖陸入泗是也經無南梁之名而有洧洧之稱舊本作涓涓下同疑卽是水也戴延之西征記亦言湖陸縣之東南有洧涓水亦無記於南梁謂是吳王所道之瀆也余按湖陸西南止自宋本作自是水延

之蓋以國語云吳王夫差起師將北會黃池掘溝於商魯之間北屬之沂西屬于沛以是言之故是水爲吳王所掘非也余以水路求之止自泗川耳蓋北達沂西北逕於商魯而接於沛吳所浚廣耳非謂起自東北受沂西南注沛也假之有通非吳所趣年載誠眈人情厠近以今村古知一延之之不通情理矣泗水又南濶水注之又逕薛之上邳城西而南注者也

又南過沛縣東

昔許由隱於沛澤卽是縣也縣蓋取澤爲名宋滅



城當作成

屬楚左泗水之濱於秦為泗水郡治黃水注之黃
水出小黃縣黃鄉黃溝國語曰吳子會諸侯於黃
池者也黃水東流逕外黃縣故城南張晏曰魏郡
有內黃縣故加外也薛瓚曰縣有黃溝故縣氏焉
圈稱陳留風俗傳曰縣南有渠水於春秋為宋之
曲棘里故宋之別都矣春秋昭公二十五年宋元
公卒於曲棘是也宋華元居於穰里宣公十五年
楚鄭圍宋晉解揚圍楚致命于此宋人懼使華元
乘圍夜入楚師登子反之床曰寡君使元以病告
弊邑易子而食析骸以爨城下之盟所不能也子
反退一舍宋楚乃平今城東闔上猶有華元祠祠
之不輟城北有華元冢黃溝自城南東逕葵丘下
春秋僖公九年齊桓公會諸侯于葵丘宰孔曰齊
侯不務德而勤遠畧北伐山戎南伐楚西為此會
東畧之不知西則否矣其有亂乎君務靖亂無勤
於行晉侯乃還即此地也黃溝又東注大澤蒹葭
莞葦生焉即世所謂大薺陂也陂水東北流逕定
陶縣南

又東逕山陽郡

成武縣之楚丘亭北黃溝又東逕郟城北成武縣

